

摛藻堂四庫全書薈要

史部

欽定四庫全書

前漢書卷二十五下

史部

漢 蘭臺令史班 固撰

唐正議大夫行秘書少監琅邪縣開國子顏師古注

郊祀志第五下

是時既滅兩粵粵人勇之乃言粵人俗鬼

師古曰勇之
越人名也俗

鬼言其土俗尚鬼神之事

而其祠皆見鬼數有効首東甌王敬鬼壽

百六十歲後世怠慢故衰耗

師古曰耗減也音火到反

迺命粵巫立

粵祝祠安臺無壇亦祠天神帝百鬼

師古曰天帝而以之神及百鬼

雞卜

李奇曰持雞骨卜如鼠卜

上信之粵祠雞卜自此始用

師古曰言國家

始用公孫卿曰儂人可見上往常遽以故不見

師古曰遽速也音其

庶反今陛下可為館如緜氏城

師古曰依其制度也

置脯棗神人宜

可致且儂人好樓居於是上令長安則作飛廉桂館

師古曰

曰飛廉館及桂館二名也甘泉則作益壽延壽館

師古曰益壽延壽二館名

使卿

持節設具而候神人迺作通天臺

師古曰漢舊儀云臺高三十丈望見長安

城

置祠具其下將招來神儂之屬於是甘泉更置前殿

始廣諸宮室夏有芝生甘泉殿房內中天子為塞河興

通天若有光云

師古曰為塞河及造通天臺而有神光之應故稱天下也

迺下詔甘

泉房中生芝九莖赦天下無令復作

○宋祁曰南本云迺下詔字下無十

二字其明年伐朝鮮夏旱公孫卿曰黃帝時封則天旱乾

封三年

師古曰三歲不雨暴所封之土令乾也

上迺下詔天旱意乾封乎

鄭氏曰言適新封則致旱天欲乾我所封乎其令天下尊祠靈星焉明年上

郊雍五畤通回中道遂北出蕭關歷獨鹿鳴澤

師古曰解並在

武紀自西河歸幸河東祠后土明年冬上巡南郡至江陵

而東登禮瀉之天柱山號曰南嶽

師古曰瀉廬江縣天柱山在焉武帝以天

柱山為南嶽音潛浮江自潯陽出樅陽

師古曰樅音千庸反

過彭蠡禮其

名山川北至琅邪並海上

師古曰並音步浪反上音時掌反

四月至奉

高修封焉初天子封泰山泰山東北阤古時有明堂處

處險不敞

師古曰言其阻院不顯敞

上欲治明堂奉高旁未曉其制

度濟南人公玉帶上黃帝時明堂圖

師古曰公玉姓也帶名也呂氏春秋

齊有公玉丹此蓋其舊族而說者讀公玉為宿非也單姓玉者後漢司徒玉況自音宿耳

明堂中有

一殿四面無壁以茅蓋通水水圜宮垣

師古曰圜繞也

為復道

上有樓從西南入

師古曰復
讀曰複

名曰昆侖天子從之入以

拜祀上帝焉於是上令奉高作明堂汶上如帶圖

師古曰汶

水名也出琅邪朱虛作明堂於汶水之上也帶圖公玉帶所上明堂圖汶音問及是歲脩封則

祠泰一五帝於明堂上坐

師古曰坐
音才卧反

合高皇帝祠坐對

之服虔曰漢是時未以高祖時配天故言對光武以來乃配之○劉敞曰按王莽奏事文帝祠泰一已用高

祖配矣何謂未乎宋祁曰注文高祖時配天時字當刪

祠后土於下房以二十太

牢天子從昆侖道入始拜明堂如郊禮畢祭堂下而上

師古曰祭古燎字○劉敬曰而上字屬下句

又上泰山自有祕祠其顛而泰

山下祠五帝各如其方黃帝并赤帝所師古曰與赤帝同處有司

侍祠焉山上舉火下悉應之還幸甘泉郊泰畤春幸汾

陰祠后土

○宋祁曰姚本春
字上有明年二字

明年幸泰山以十一月甲

子朔旦冬至日祀上帝於明堂後每修封

○宋祁曰越
本每作母新

本無後字但
云母修封

其贊饗曰天增授皇帝泰元神策周而復

始皇帝敬拜泰一

師古曰自此以
上贊祝者解

東至海上考入海及

方士求神者莫驗然益遣幾遇之

師古曰益多也幾讀
曰冀言更遣人求之

冀必
遇也乙酉柏梁災十二月甲午朔上親禪高里

師古曰
高里山

武名解在

祠后土臨勃海將呂望祀蓬萊之屬幾至殊庭

馬

師古曰殊庭蓬萊中人處也幾讀曰冀

上還以柏梁災故受計甘泉公

孫卿曰黃帝就青靈臺十二日燒

師古曰就成也造臺適成經十二日即遇

火黃帝乃治明庭明庭甘泉也方士多言古帝王有都

甘泉者其後天子又朝諸侯甘泉甘泉作諸侯邸勇之
迺曰粵俗有火災復起屋必以大用勝服之於是作建

章宮度為千門萬戶前殿度高未央

師古曰度並音大各反

其東

則鳳闕高二十餘丈

師古曰三輔故事云其闕圓上有銅鳳凰

其西則商中

數十里虎園

淳曰商中商庭也師古曰商金也於序在秋故謂西方之庭為商庭言廣數十里

於菟亦西方之獸
故於此置其園也

其北治大池漸臺高二十餘丈名曰

泰液

師古曰漸浸也臺在池中為水所浸故曰漸臺一音子廉反三輔黃圖或為濺字濺亦浸耳○宋祁

曰泰液淳化本作泰浸予據昭紀黃鵠下建章宮太液池無泰浸也

池中有蓬萊方丈瀛

洲壺梁象海中神山龜魚之屬

師古曰三輔故事云池北岸有石魚長二丈高

五尺西岸有石其南有玉堂璧門大鳥之屬

師古曰立龜三枚長六尺大鳥象也

立神明臺井幹樓高五十丈輦道相屬焉

師古曰漢宮閣疏云神明

臺高五十丈上有九室恒置九天道士百人然則神明井幹俱高五十丈也井幹樓積木而高為樓若井幹之

形也井幹者井上木欄也其形或四角或八角張衡西京賦云井幹疊而百層即謂此樓也幹或作翰其義並同○宋祁曰邵本翰作韓夏漢改歷以正月為歲首而色上黃官更印章以五字師古曰解在武紀因為太初元年是歲西伐大宛

蝗大起丁夫人雒陽虞初等

應劭曰丁夫人其先丁復本越人封陽都侯夫人其

後以詛軍為功韋昭

以方祠詛匈奴大宛焉明年有司

曰丁姓夫人名也

言雍五時無牢孰具芬芳不備迺令祠官進時犧牢具

色食所勝

孟康曰若火勝金則祠赤帝以白牲也

而以木寓馬代駒云○

祁曰南本無木馬二字

及諸名山川用駒者悉以木寓馬代獨行

過親祠迺用駒它禮如故明年東巡海上考神儂之屬

未有驗者方士有言黃帝時為五城十二樓

應劭曰見
城十二樓儂人之所常居

以候神人於執期

鄭氏曰地名也

名曰迎年

師古曰迎

年若云

上許作之如方名曰明年

師古曰言明其得延年也

上親禮

祠上犧黃馬公玉帶曰黃帝時雖封泰山然風后封鉅

岐伯令黃帝封東泰山

韋昭曰風后封鉅岐伯皆黃帝臣也

臣瓊曰東泰山在琅邪朱

虛界中有
小泰山是禪凡山

師古曰凡山在朱虛縣見地理志也○宋祁曰也字當刪

合符然

後不死天子既令設祠具至東泰山東泰山卑小不稱

其聲迺令祠官禮之而不封焉其後令帶奉祠候神物
復還泰山修五年之禮如前○宋祁曰南本修皆作脩而加禪祠石
閣石閣者在泰山下阤南方師古曰下基之南面方士言僊人閣
也故上親禪焉其後五年復至泰山修封還過祭恒山
自封泰山後十三歲而周徧於五嶽四瀆矣後五年復
至泰山修封東幸琅邪禮日成山登之罘浮大海用事
八神延年師古曰解並在武紀延年即上所謂迎年者又祠神人於交門宮
若有鄉坐拜者云師古曰如有神人景象嚮祠坐而拜也事具在武紀鄉讀與嚮同後

五年上復修封于泰山東游東萊臨大海是歲雍縣無

雲如靄者三

師古曰靄古雷字空有雷聲也

或如虹氣蒼黃若飛鳥集

棫陽宮南

師古曰棫音域

聲聞四百里隕石二黑如礪有司以

為美祥以薦宗廟而方士之候神入海求蓬萊者終無

驗公孫卿猶呂大人之迹為解

師古曰言見大人之跡以自解說也

天子

猶羈縻不絕

師古曰羈縻繫聯之意馬絡頭曰羈也牛鞚曰縻

幾遇其真

師古曰幾

讀曰冀諸所興如薄忌秦一及三一冥羊馬行赤星五牀

寬舒之祠宮

李奇曰皆祠名

以歲時致禮凡六祠皆大祝領之

至如八神諸明年凡山它名祠行過則祠去則已方士
所興祠各自主其人終則已祠官不主它祠皆如故甘
泉秦一汾陰后土三年親郊祠而泰山五年一修封武
帝凡五修封昭帝即位富於春秋未嘗親巡祭云宣帝
即位由武帝正統興故立三年尊孝武廟為世宗行所
巡狩郡國皆立廟告祠世宗廟日有白鶴集後庭以立
世宗廟告祠孝昭寢有鴈五色集殿前西河築世宗廟
神光興于殿旁有鳥如白鶴前赤後青神光又興于房

中如燭狀廣川國世宗廟殿上有鐘音門戶大開夜有
光殿上盡明上迺下詔赦天下時大將軍霍光輔政上
共已正南面師古曰共讀曰恭非宗廟之祠不出十二年迺下

詔曰蓋聞天子尊事天地脩祀山川古今通禮也間者
上帝之祠闕而不親十有餘年朕甚懼焉朕親飭躬齊
戒親奉祀為百姓蒙嘉氣獲豐年焉明年正月上始幸
甘泉郊見泰畤數有美祥修武帝故事盛車服敬齊祠
之禮頗作詩歌其三月幸河東祠后土有神爵集改元

爲神爵制詔太常夫江海百川之大者也今闕焉無祠
其令祠官以禮為歲事師古曰言每歲常祠之以四時祠江海雖
水祈為天下豐年焉自是五嶽四瀆皆有常禮東嶽泰
山於博中嶽泰山於嵩高南嶽瀟山於瀟師古曰瀟與潛同也西
嶽華山於華陰北嶽常山於上曲陽師古曰上曲陽常山郡之縣也河
於臨晉師古曰馮翊之縣也臨河西岸江於江都師古曰廣陵之縣也淮於平氏
陽之縣也濟於臨邑界中師古曰東郡之縣也皆使者持節侍祠
唯泰山與河歲五祠江水四餘皆一禱而三祠云時南

郡獲白虎獻其皮牙爪上為立祠又呂方士言為隨侯

劍寶玉寶璧周康寶鼎立四祠於未央宮中

○劉敞曰
四祠隨侯

珠一也劍寶即軒蛇劍二也玉寶璧即受命寶和氏璧三也三物皆漢天子世傳者并周康寶鼎為四周康寶

鼎似汾工所獲鼎也又祠太室山於即墨三戶山於下密

師古曰
即墨下

密皆膠東之縣也祠天封苑火井於鴻門

如淳曰地理志西河鴻門縣有天封苑火

井祠火從地中出又立歲星辰星太白熒惑南斗祠於長安城

旁○宋祁曰南又祠參山八神於曲城

師古曰東萊之縣也蓬山

石社石鼓於臨朐

師古曰臨朐齊郡縣也朐音劬地理志蓬山作達山也

之罘山

於腫成山於不夜萊山於黃

應劭曰腫音甄晉灼曰腫
不夜黃縣皆屬東萊師古

日睡音
文瑞反

成山祠

日萊山祠月又祠四時於琅邪蚩尤於

壽良

師古曰東
郡之縣也

京師近縣鄴則有勞谷五牀山日月五

帝儂人玉女祠

雲陽有徑路神祠祭休屠王也

師古曰
休屠匈

奴王號也徑路神本匈奴之
祠也休音許蚪反屠音除

又立五龍山儂人祠及黃

帝天神帝原水凡四祠於膚施

師古曰膚施
上郡之縣也

或言益州

有金馬碧雞之神

如淳曰金形似
馬碧形似雞

可醮祭而致於是遣

諫大夫王襄使持節而求之大夫劉更生獻淮南枕中

洪寶苑祕之方

師古曰洪大也苑祕者言秘術之苑圃也

令尚方鑄作事不

驗更生坐論京兆尹張敞上疏諫曰願明主時忘車馬

之好斥遠方士之虛語

師古曰遠游心帝王之術太平音于萬反

庶幾可興也後尚方待詔皆罷是時美陽得鼎獻之

師古曰美陽扶風之縣也下有司議多以為宜薦見宗廟如元鼎時故

事張敞好古文字按鼎銘勒而上議曰臣聞周祖始乎

后稷后稷封于簗

師古曰簗讀與邵同今武功故城是

公劉發迹於幽

師古

曰今幽州是也

大王建國於郊梁

師古曰梁山在岐山之東九嵒之西非夏陽之梁山也郊

古岐字

文武興於豐鎬

師古曰 鄭今長安城西豐水上也 鎬在昆明池北

由此言

之則郊梁豐鎬之間周舊居也固宜有宗廟壇場祭祠之臧今鼎出于郊東中有刻書曰王命尸臣官此栒邑

師古曰 尸臣主事之臣也
栒邑即幽地是也 榆音荀

賜爾旂鸞黼黻彫戈

師古曰
交龍為

旂鸞謂有鸞之車也
黼黻冕服也 瑫戈刻鏤之戈也 瑫與凋同

尸臣拜手稽首曰敢對

揚天子丕顯休命

師古曰 拜手首至於手也

臣愚不足以述古文

師古

曰尋其文迹

竊以傳記言之此鼎殆周之所以褒賜大臣大

臣子孫刻銘其先功臧之于宮廟也昔寶鼎之出於汾

睢也河東太守以聞詔曰朕巡祭后土祈為百姓蒙豐

年師古曰為音于偽反

今穀嘉未報

師古曰嘉少意也言穀稼尚少未獲豐年也嘉音苦葷反

鼎焉為出哉博問耆老意舊減與

服虔曰言鼎豈舊減於此地師古曰與讀

歟誠欲考得事實也有司驗睢上非舊減處鼎大八尺

一寸高三尺六寸殊異於衆鼎今此鼎細小又有款識

師古曰款刻也識音式志反

不宜薦見於宗廟制曰京兆尹議是

上自幸河東之明年正月鳳凰集祋祤

師古曰祋祤馮翊之縣也祋音

丁活反又丁外反胡音況矩反○宋祁曰況矩反姚本作王矩反

祁曰姚本
所作是

起步壽宮廼下詔赦天下後間歲鳳皇神爵

甘露降集京師

師古曰間歲隔一年也

赦天下其冬鳳皇集上林

迺作鳳凰殿召答嘉瑞

師古曰答應也

明年正月復幸甘泉郊

泰時改元曰五鳳明年幸雍祠五時其明年春幸河東

祠后土赦天下後間歲改元為甘露正月上幸甘泉郊

泰時其夏黃龍見新豐建章未央長樂宮鐘虞銅人皆

生毛長一寸所

師古曰虞神獸名也縣鐘之木刻飾為之因名曰虞也

時以為美

祥後間歲正月上郊泰時因朝單于於甘泉宮後間歲

改元為黃龍正月復幸甘泉郊泰畤又朝單于於甘泉宮至冬而崩鳳皇下郡國凡五十餘所元帝即位遵舊儀閒歲正月一幸甘泉郊泰畤又東至河東祠后土西至雍祠五畤凡五奉泰畤后土之祠亦施恩澤時所過母出田租賜百戶牛酒師古曰言有時如此不常然也或賜爵赦罪人元帝好儒貢禹韋玄成匡衡等相繼為公卿禹建言漢家宗廟祭祀多不應古禮上是其言後韋玄成為丞相議罷郡國廟自太上皇孝惠帝諸園寢廟皆罷後元帝

寢疾夢神靈譴罷諸廟祠上遂復焉後或罷或復至哀

平不定語在韋玄成傳成帝初即位丞相衛御史大夫

譚師古曰衛匡
衡譚張譚奏言帝王之事莫大乎承天之序承天

之序莫重於郊祀故聖王盡心極慮以建其制祭天於

南郊就陽之義也瘞地於北郊即陰之象也

師古曰祭
地曰瘞羅

故云瘞地
也即就也天之於天子也因其所都而各饗焉往者孝

武皇帝居甘泉宮即於雲陽立泰畤祭於宮南今行常

幸長安○宋祁曰淳化本無行字郊見皇天反北之泰陰祠后土反

東之少陽事與古制殊又至雲陽行谿谷中阤陗且百

里汾陰則渡大川有風波舟楫之危

師古曰楫音集其字從木○宋祁曰

建本楫音即涉反此云音集疑非是

皆非聖主所宜數乘郡縣治道共張

吏民困苦

師古曰共讀曰供音居用反張音竹亮反下皆類此

百官煩費勞所保

之民行危險之地

師古曰保養也難以奉神靈而祈福祐殆未

合於承天子民之意昔者周文武郊於豐鄗成王郊於

雒邑由此觀之天隨王者所居而饗之可見也甘泉泰

畤河東后土之祠宜可徙置長安合於古帝王願與羣

臣議定奏可大司馬車騎將軍許嘉等八人以為所從來久遠宜如故右將軍王商博士師丹議郎翟方進等五十人以為禮記曰燔柴於太壇祭天也瘞薙於太折祭地也韋昭曰太折謂為壇於昭晰地也師古曰折曲也言方澤之形四曲折也鄧展曰除地為營埒有形兆也北於南郊所以定天位也周書曰除地為營埒有形兆也祭地於太折在北郊就陰位也郊處各在聖王所都之南北書曰越三日丁巳用牲於郊牛二師古曰周書洛誥之辭周公加牲告徙新邑定郊禮於雒明王聖主事天明事地察天地明察神明章矣

天地以王者為主故聖王制祭天地之禮必於國郊長安聖主之居皇天所觀視也甘泉河東之祠非神靈所饗宜徙就正陽大陰之處違俗復古循聖制定天位如禮便於是衡譚奏議曰陛下聖德忽明上通師古曰忽與聰同

承天之大典覽羣下使各悉心盡慮議郊祀之處天下幸甚臣聞廣謀從衆則合於天心○宋祁曰南本作合於天下心故洪範曰三人占則從二人言師古曰洪範周書也言少從多之義也

論當往古宜於萬民則依而從之師古曰論議也音來頓反違道寡

與則廢而不行今議者五十八人其五十人言當徙之
義皆著於經傳同於上世便於吏民八人不按經藝考
古制而以為不宜無法之議難以定吉凶太誓曰正稽
古立功立事可以永年丕天之大律師古曰今文秦誓
周書也稽考也永
長也不奉也律法也言正考古道而立事
則可長年享有天下是則奉天之大法也詩曰毋曰高
高在上陟降厥士日監在茲師古曰詩周頌敬之詩也
陟升也士事也言無謂天
之高而又高遠在上而不加敬天乃上下言天之日監
升降日日監觀於此視人之所為者耳
王者之處也又曰廼眷西顧此維予宅師古曰大雅皇
矣之詩也宅居

也言天眷然西顧以周國為居也商紂在東故謂周為西也言天以文王之都為居

也宜於長安定南北郊為萬世基天子從之既定衡言

甘泉泰畤紫壇八輶宣通象八方

服虔曰八輶如今社壇也師古曰輶角也

五帝壇周環其下又有羣神之壇以尚書禋六宗望山

川徧羣神之義紫壇有文章采鏤黼黻之飾及玉女樂

師古曰漢舊儀云祭天用六綵綺席六重用玉几玉飾器凡七十女樂即禮樂志所云使童男童女俱歌也

石壇僕人祠瘞鸞路驛駒寓龍馬不能得其象於古臣

聞郊柴饗帝之義埽地而祭上質也歌大呂舞雲門以

族天神歌太簇舞咸池以族地祇

師古曰此周禮也大呂合於黃鐘黃鐘陽

聲之首也雲門黃帝樂也太簇

矣

其牲用犧其席藁稽其

陽聲次二者也咸池堯樂也

矣

器陶匏

師古曰陶瓦器匏瓠也稽音憂

皆因天地之性貴誠上質不敢

修其文也以為神祇功德至大雖修精微而備庶物猶

不足以報功唯至誠為可故上質不飾以章天德紫壇

偽飾女樂鸞路駢駒龍馬石壇之屬宜皆勿修衡又言

王者各以其禮制事天地非因異世所立而繼之

師古曰異

世謂前代今雍廊密上下時

晉灼曰秦文公宣公所立時也

本秦侯各以其

意所立非禮之所載術也漢興之初儀制未及定即且

因秦故祠復立北畤今既稽古建定天地之大禮郊見

上帝青赤白黃黑五方之帝皆畢陳各有位饌祭祀備

具諸侯所妄造王者不當長遵及北畤未定時所立

師古

日謂高祖之初禮儀未定不宜復修天子皆從焉及陳寶祠由是皆

罷明年上始祀南郊赦奉郊之縣及中都官耐罪囚徒

師古曰中都官京師諸官府也是歲衛譚復條奏長安厨官縣官給祠

郡國候神方士使者所祠凡六百八十三所其二百八

所應禮及疑無明文可奉祠如故其餘四百七十五所

不應禮或復重

師古曰復音扶目
反重音丈庸反

請皆罷奏可本雍舊

祠二百三所唯山川諸星十五所為應禮云若諸布諸

嚴諸遂皆罷社主有五祠置其一又罷高祖所立梁晉

秦刑巫九天南山萊中之屬及孝文渭陽孝武薄忌泰

一三一黃帝冥羊馬行泰一皋山山君武夷夏后啟母

石○宋祁曰本無石字萬萬里沙○宋祁曰姚八神延年之屬及

孝宣參山蓬山之眾成山萊山四時蚩尤勞谷五牀僊

人王女徑路黃帝天神原水之屬皆罷候神

○宋祁曰
參山予據

孝宣祠參山八神於曲城蓬山於臨朐與此相應不然太山自在五嶽何可罷之

方士使者副

佐本草待詔七十餘人皆歸家

師古曰本草待詔謂以方藥本草而待詔者

明年匡衡坐事免官爵衆庶多言不當變動祭祀者又

初罷甘泉泰畤作南郊日大風壞甘泉竹宮折拔時中

樹木十圍以上百餘天子異之以問劉向對曰

○宋祁
曰向字

下當更家人尚不欲絕種祠

師古曰家人謂庶人之家也種祠繼嗣所傳祠也

況於國之神寶舊畤且甘泉汾陰及雍五畤始立皆有

神祇感應然後營之非苟而已也武宣之世奉此三神

禮敬敕備

師古曰
敕整也

神光尤著祖宗所立神祇舊位誠未

易動及陳寶祠自秦文公至今七百餘歲矣漢興世世

常來光色赤黃長四五丈直祠而息音聲砰隱野雞皆

雊

師古曰直當也息止也當

祠處而止也碑音普萌反

每見雍太祝祠以太牢遣

候者乘傳馳詣行在所

師古曰報神之來

以為福祥高

祖時五來文帝二十六來武帝七十五來宣帝二十五
來初元元年以來亦二十來此陽氣舊祠也及漢宗廟

之禮不得擅議皆祖宗之君與賢臣所共定古今異制
經無明文至尊至重難以疑說正也前始納貢禹之議
後人相因多所動搖易大傳曰誣神者殃及三世恐其
咎不獨止禹等上意恨之師古曰恨悔也後上以無繼嗣故令

皇太后詔有司曰

○宋祁曰下令字下疑有白字

蓋聞王者承事天地

交接泰一尊莫著於祭祀孝武皇帝大聖通明始建上
下之祀師古曰上謂天地營泰畤于甘泉定后土于汾陰而神

祇安之饗國長久子孫蕃滋

師古曰蕃音扶元反

累世遵業福流

于今今皇帝寬仁孝順奉循聖緒靡有大愆而久無繼

嗣思其咎職

師古曰職主也
咎過主於此也

殆在徙南北郊違先帝之

制改神祇舊位失天地之心以妨繼嗣之福春秋六十

未見皇孫

師古曰皇
太后自謂

食不甘味寢不安席朕甚悼焉春

秋大復古善順祀

師古曰以復古為
大以順祀為善也

其復甘泉泰畤汾

陰后土如故及雍五畤陳寶祠在陳倉者天子復親郊

禮如前又復長安雍及郡國祠著明者且半成帝末年

頗好鬼神亦以無繼嗣故多上書言祭祀方術者皆得

待詔祠祭上林苑中長安城旁費用甚多然無大貴盛者谷永說上曰臣聞明於天地之性不可惑以神怪知

萬物之情不可罔以非類

師古曰罔猶蔽○宋祁曰注末當添也字

諸背仁

義之正道不遵五經之法言而盛稱奇怪鬼神廣崇祭

祀之方求報無福之祠

○宋祁曰祠當作祀

及言世有僥人服食

不終之藥這興輕舉

如淳曰這遠也興舉也師古曰這古遙字也興起也謂起而遠去也

登遐倒景

如淳曰在日月之上反從下照故其景倒師古曰遐亦遠也○宋祁曰注文反字上當添

日月覽觀縣圃浮游蓬萊

李奇曰崑崙九成上有縣圃縣圃之上即閭闔天門

耕

耘五德朝種暮穫

晉灼曰翼氏風角五德東方甲南方丙西方庚北方壬中央戊種五色禾

於此地而耕耘也

與山石無極

師古曰言獲長壽比於山石無窮也

黃冶變化

晉灼

曰黃者鑄黃金也道家言治丹砂令變化可鑄作黃金也

堅冰淖溺

晉灼曰方士詐以藥石若陷冰丸投之冰上冰即消液因假為神仙道使然也或曰謂

冶金令可餌也師古曰或說非也淖濡甚也音女教反

化色五倉之術者

李奇曰思身中有五色腹中有五倉神五色存則不死五倉存則不饑

皆姦人惑衆挾左道懷詐偽以欺罔世主

師古曰邪僻之道非

正義也聽其言洋洋滿耳若將可遇

師古曰洋洋美盛之貌也洋音羊又音祥

求之盪盪如係風捕景終不可得

師古曰盪盪空曠貌也盪音蕩

是

以明王距而不聽聖人絕而不語

師古曰謂孔子不語怪神

昔周史

長弘欲以鬼神之術輔尊靈王會朝諸侯而周室愈微

諸侯愈叛楚懷王隆祭祀事鬼神欲以獲福助郤秦師

師古曰郤退音丘畧反

而兵挫地削身辱國危秦始皇初并天下

甘心於神僊之道遣徐福韓終之屬多齋童男童女入

海求神采藥因逃不還天下怨恨漢興新垣平齊人少

翁公孫卿樂大等皆以僊人黃冶祭祠事鬼使物入海

求僊采藥貴幸賞賜累千金大尤尊盛至妻公主爵位

重累震動海內

師古曰案
古累字

元鼎元封之際燕齊之間方

士瞋目扼擊言有神儻祭祠致福之術者以萬數其後

平等皆以術窮詐得誅夷伏辜

師古曰詐得謂主上得其詐偽之情

至初

元中有天淵玉女鉅鹿神人轘陽侯師張宗之姦紛紛

復起

師古曰轘陽侯江仁也元帝時坐使家丞上印綬隨宗學仙免官轘音遼

夫周秦之末

三五之隆

師古曰三謂三皇五謂五帝也○劉奉世曰周秦之末三五之隆語有害而理未通疑有

誤三五似指三世五世而言謂文武之時也尋上文可見宋祁曰顧注三五之隆疑非是余謂五字當作主蓋

指漢三主耳新垣平事則文帝時也元鼎元封則武帝時也初元則元帝時也指異代則曰周秦之末於今世

則曰三主之隆文意較然明甚師古於漢書他所是正者甚多而不察於此所未諭也

已嘗專意

散財厚爵祿竦精神舉天下以求之矣曠日經年靡有

毫釐之驗足以揆今經曰享多儀儀不及物惟曰不享

師古曰周書洛誥之辭也言祭享之道唯以絜誠若多其容儀而不及禮物則不為神所享也

論語說

曰子不語怪神

師古曰說謂論語之說也

唯陛下距絕此類毋令妄

人有以窺朝者上善其言後成都侯王商為大司馬衛

將軍輔政杜鄴說商曰東鄰殺牛不如西鄰之檜祭

師古

曰此易既濟九五爻辭也東鄰謂商紂也西鄰周文王也檜祭謂淪蕡新菜以祭言祭祀之道莫盛修德故紂

之牛牲不如文王
之蘋藻也 縱音籥

言奉天之道貴以誠質大得民心也

行穢祀豐猶不蒙祐德修薦薄吉必大來古者壇場有

常處祭禋有常用

師古曰祭
古燎字

贊見有常禮犧牲玉帛雖

備而財不匱車輿臣役雖動而用不勞是故每舉其禮

助者歡說

師古曰助謂助
祭也 說讀曰悅

大路所歷黎元不知

師古曰
大路天

子祭天所乘之車也 黎元不
知言無徭費不勞於下也

今甘泉河東天地郊祀咸

失方位違陰陽之宜及雍五畤皆曠遠奉尊之役休而

復起繕治共張無解已時皇天著象殆可略知前上甘

泉先歛失道

師古曰歛與驅字同

禮月之夕奉引復迷

韋昭曰奉引前導引

車

祠后土還臨河當渡疾風起波船不可御又雍大雨

壞平陽宮垣廻三月甲子震電災林光宮門

孟康曰甘泉一名林

光師古曰林光秦離宮名也漢

又於其旁起甘泉宮非一名也

漢

祥瑞未著咎徵仍臻迹

三郡所奏皆有變故

師古曰迹謂觀其事迹也

不答不饗何以甚此

師古曰不答不當天意

詩曰率由舊章

師古曰大雅假樂之詩也率循

也由用也循用

舊典之文章也舊章先王法度文王以之交神于祀子

孫千億宜如異時公卿之議復還長安南北郊後數年

成帝崩皇太后詔有司曰皇帝即位思順天心遵經義

定郊禮天下說

師古曰說讀曰悅

懼未有皇孫故復甘泉泰

時汾陰后土庶幾獲福皇帝恨難之卒未得其祐其復

南北郊長安如故以順皇帝之意也哀帝即位寢疾博

徵方術士京師諸縣皆有侍祠使者盡復前世所常興

諸神祠官凡七百餘所一歲三萬七千祠云明年復令

太皇太后詔有司曰皇帝孝順奉承聖業靡有解怠

師古曰

而久疾未瘳夙夜唯思殆繼體之君不宜改作

曰解讀

其復甘泉泰畤汾陰后土祠如故上亦不能親至遣有司行事而禮祠焉後三年哀帝崩平帝元始五年大司馬王莽奏言王者父事天故爵稱天子孔子曰人之行莫大於孝孝莫大於嚴父嚴父莫大於配天

師古曰孝經載孔子

之言王者尊其考欲以配天緣考之意欲尊祖推而上之

遂及始祖是以周公郊祀后稷以配天宗祀文王於明

堂以配上帝禮記天子祭天地及山川歲徧春秋穀梁

傳以十二月下辛卜正月上辛郊卜郊之日高皇帝受

師古曰豫

郊之日

命因雍四畤起北畤而備五帝未共天地之祀

師古曰
共讀曰

恭

孝文十六年用新垣平初起渭陽五帝廟祭泰一地

祇以太祖高皇帝配日冬至祠泰一夏至祠地祇皆并

祠五帝而共一牲

○宋祁曰牲景德本作特

上親郊拜後平伏誅迺

不復自親而使有司行事孝武皇帝祠雍曰今上帝朕

親郊而后土無祠則禮不答也於是元鼎四年十一月

丙子始立后土祠於汾陰或曰五帝泰一之佐宜立泰

一五年十一月癸未始立泰一祠於甘泉三歲一郊與

雍更祠

師古曰
音工衡反

亦以高祖配不歲事天皆未應古制

建始元年徙甘泉泰畤河東后土於長安南北郊永始

元年三月呂后有皇孫復甘泉河東祠綏和二年呂后卒

不獲祐復長安南北郊建平三年懼孝哀皇帝之疾未

瘳復甘泉汾陰祠竟復無福臣謹與太師孔光長樂少

府平晏大司農左咸中壘校尉劉歆大中大夫朱陽博

士薛順議郎國由等六十七人議皆曰宜如建始時丞

相衡等議復長安南北郊如故莽又頗改其祭禮曰周

官天墜之祀

師古曰墜古地字也下皆類此

樂有別有合其合樂曰呂

六律六鍾五聲八音六舞大合樂祀天神祭墜祇祀四

望祭山川享先妣先祖

師古曰此周禮春官大司樂之職也六律合陽聲者六鍾以六

律六鍾之均也五聲宮商角徵羽八音金石絲竹匏土

革木六舞雲門咸池大韶大夏大濩大武也大合樂者

編作之也先妣姜嫄也先祖先王先公也凡六樂奏六歌而天墜神祇之物

皆至

師古曰謂一變而致羽物及川澤之祇二變而致

羸物及山林之祇三變而致鱗物及丘陵之祇四

變而致毛物及墳衍之祇五變而致
介物及地祇六變而致象物及天神

四望蓋謂日月星

海也三光高而不可得親海廣大無限界故其樂同祀

天則天文從祭墜則墜理從三光天文也山川地理也

天地合祭先祖配天先妣配墜其誼一也天墜合精夫

婦判合祭天南郊則呂墜配一體之誼也天墜位皆南

鄉同席

師古曰鄉讀曰嚮其下並同

墜在東共牢而食高帝高后配

于壇上西鄉后在北亦同席共牢牲用繭栗

師古曰謂牛角如繭

及栗者牛及粟者牛之小也

玄酒陶匏禮記曰天子籍田千畝呂事天墜

師古曰晦古畝字

繇是言之宜有黍稷

師古曰繇讀與由同

天地用牲一

燔燎瘞蘿用牲一高帝高后用牲一天用牲左及黍稷

燔燎南郊墜用牲右及黍稷瘞于北郊其旦東鄉再拜

朝日其夕西鄉再拜夕月然後孝弟之道備而神祇嘉

享萬福降輯

師古曰輯與集同

此天墜合祀呂祖妣配者也其

別樂曰

○宋祁曰邵本無別字

冬日至於墜上之圜丘奏樂六變

則天神皆降夏日至於澤中之方丘奏樂八變則墜祇

皆出

師古曰此亦春官大司樂之職也天神之樂圜鍾

爲宮黃鍾爲角太簇爲徵姑洗爲羽雷鼓雷鼗

孤竹之管雲和之琴瑟雲門之舞地祇之樂函鍾爲宮太簇爲角姑洗爲徵南呂爲羽靈鼓靈鼗孫竹之管空桑

之琴瑟咸池之舞先奏是樂以致其神禮之以玉然後合樂而祭天墜有常位不得常

合此其各特祀者也陰陽之別於日冬夏至其會也呂

孟春正月上辛若丁天子親合祀天墜于南郊呂高帝

高后配陰陽有離合易曰分陰分陽迭用柔剛

師古曰易說卦

之辭也陽為剛陰為柔陰陽既分則剛柔迭用也迭互也音大結反

以日冬至使有司奉

祠南郊高帝配而望羣陽日夏至使有司奉祭北郊高

后配而望羣陰皆以助致微氣通道幽弱

師古曰道讀曰尊

當

此之時后不省方

師古曰謂冬夏日之時后君也方常也不視常務

故天子不

親而遣有司所呂正承天順地

○宋祁曰一本作承順天地

復聖王

之制顯太祖之功也渭陽祠勿復修羣望未悉定定復奏奏可三十餘年間天墜之祠五徙焉後莽又奏言書曰類於上帝禋于六宗師古曰虞書舜典也並已解於上歐陽大小夏侯三家說六宗皆曰上不及天下不及墮旁不及四方在六者之間助陰陽變化實一而名六名實不相應禮記祀典功施於民則祀之天文日月星辰所昭仰也地理山川海澤所生殖也易有八卦乾坤六子水火不相逮雷風不相諒山澤通氣然後能變化既成萬物也古師

曰乾為父坤為母震為長男巽為長女坎為中男離為
中女艮為少男兑為少女故云六子也水火坎離也雷
風震巽也山澤艮兑也逮及誇亂也臣前奏徙甘泉泰
既盡也雷古雷字也誇音布內反

臣前奏徙甘泉泰

時汾陰后土皆復于南北郊謹按周官兆五帝于四郊
山川各因其方師古曰春官小宗伯之職也兆謂為壇
之營域也五帝於四郊謂青帝於東郊

赤帝及黃帝於南郊白帝於西郊黑帝於北郊也各因其方謂順其所在也

今五帝兆居在

雍五畤不合於古又日月雷風山澤易卦六子之尊氣
所謂六宗也星辰水火溝瀆皆六宗之屬也今或未特
祀或無兆居謹與太師光大司徒宮羲和歆等八十九

人議皆曰天子父事天母事墜今稱天神曰皇天上帝
泰一兆曰泰畤而稱墜祇曰后土與中央黃靈同又兆
北郊未有尊稱宜令墜祇稱皇墜后祇兆曰廣畤易曰
方呂類聚物呂羣分師古曰易上繫之辭也方謂所向之地分羣神呂類
相從為五部兆天墜之別神中央帝黃靈后土畤及日
廟北辰北斗填星中宿中宮于長安城之未墜兆東方
帝太昊青靈勾芒畤及雷公風伯廟歲星東宿東宮于
東郊兆南方炎帝赤靈祝融畤及熒惑星南宿南宮于

南郊兆西方帝少皞白靈蓐收時及太白星酉宿西宮

于西郊兆北方帝顓頊黑靈亥冥時及月廟雨師廟辰

星北宿北宮于北郊兆

○劉敞曰
兆字衍

奏可於是長安旁諸

廟兆畤甚盛矣莽又言帝王建立社稷百王不易社者

土也宗廟王者所居稷者百穀之主所㠭奉宗廟共粢

盛

師古曰其
讀與供同

人所食㠭生活也王者莫不尊重親祭自

為之主禮如宗廟詩曰乃立冢土

師古曰大雅縣之詩
也冢大也土土神謂

大社又曰㠭御田祖㠭祈甘雨

師古曰小雅甫田之詩
也田祖稷神也言設樂

以御祭於神為農求甘雨也

禮記曰唯祭宗廟社稷為越縲而行事

李奇曰引棺車謂之縲當祭天地五祀則越縲而行事不以私喪廢公祀

師古曰縲引車索也音弗

聖漢

興禮儀稍定已有官社未立官稷

臣瓊曰高帝除秦社稷立漢社稷禮所謂

太社也時又立官社配以夏禹所謂王社也見漢祀令而未立官稷至此始立之世祖中興不立官稷相承至

今遂於官社後立官稷呂夏禹配食官社后稷配食官

稷稷種穀樹

師古曰穀樹楮樹也其子類穀故於稷種

徐州牧歲貢五色土

各一斗莽篡位二年興神儻事呂方士蘇樂言起八風

臺於宮中臺成萬金

師古曰費直萬金也

作樂其上順風作液湯

如淳曰藝文志有液
湯經其義未聞也

又種五梁禾於殿中

師古曰五色
禾也谷永所

謂耕耘

各順色置其方面先鬻鶴觴毒冒犀玉二十餘

物漬種

師古曰鬻古煮字也觴古觴字也謂鬻取汁以
漬殺子也毒音代冒音莫內反○宋祁曰觴景

本作觴別本並從左與此本不同

計粟斛成一金言此黃帝穀儂之術

也呂樂為黃門郎令主之莽遂寃鬼神淫祀

師古曰寃古崇字

至其末年自天地六宗呂下至諸小鬼神凡千七百所用三牲鳥獸三千餘種後不能備迺以雞當鷺鴈犬當麋鹿數下詔自以當儂語在其傳

贊曰漢興之初庶事草創唯一叔孫生略定朝廷之儀
若迺正朔服色郊望之事數世猶未章焉至於孝文始
呂夏郊而張蒼據水德公孫臣賈誼更以為土德卒不
能明孝武之世文章為盛太初改制而兒寬司馬遷等
猶從臣誼之言李奇曰公孫臣賈誼服色數度遂順黃德彼以五
德之傳從所不勝服虔曰傳音亨傳之傳五帝相承代
使以火代金師古常以金木水火相勝之法若火滅金
日傳音張戀反秦在水德故謂漢據土而克之劉向

父子呂為帝出于震故包羲氏始受木德

師古曰包讀曰庖

其

後呂母傳子終而復始自神農黃帝下歷唐虞三代而漢得火焉故高祖始起神母夜號著赤帝之符旗章遂赤自得天統矣鄧展曰向父子雖有此議時不施行至光武建武二年乃用火德色尚赤耳

昔共工氏呂水德間于木火師古曰共讀曰龔間音工覓反與秦同運

非其次序故皆不永由是言之祖宗之制蓋有自然之

應順時宜矣究觀方士祠官之變谷永之言不亦正乎

不亦正乎

○宋祁曰南本無下一句

前漢書卷二十五下

前漢書卷二十五下考證

郊祀志下長安則作飛廉桂館甘泉則作益壽延壽館

○
臣召南按館字封禪書俱作觀又通天臺封禪書

作通天莖臺

乃下詔甘泉房中生芝九莖赦天下無令復作○按監
本及別本乃下詔之下無甘泉房中生芝九莖八字
赦天下之下無無令復作四字今從宋本補

令奉高作明堂汶上如帶圖注汶水名也出琅邪朱虛

作明堂于汶水之上也○

臣召南

按顏注汶水非也

胡三省曰地理志明堂在奉高縣西南四里即禹貢浮汶達濟之汶若琅邪汶水入瀆而入海非立明堂處

上親禪高里注高里山名解在武紀○監本脫解在武紀四字從宋本添

其西則商中數十里虎圈○

臣召南

按商中封禪書作

唐中通鑑從史記

諸所興如薄忌秦一云云注李奇曰皆祠名○監本訛
皆同名今改正

南嶽潛山於潛○

臣召南

按南嶽衡山也自元封五年

巡南郡至江陵而東登禮潛之天柱山號曰南嶽於

是南嶽之名移於潛山而長沙湘南之衡山自古稱

南嶽者反無祠矣

餘皆一禱而三祠云○

臣召南

按歐陽脩集古錄引漢

西岳華山碑云孝武皇帝脩封禪之禮巡省五岳立

祠其下宮曰集靈宮殿曰存儂殿門曰望儂門中宗之世使者持節歲一禱而三祠可為此文確証但又云所謂集靈宮者他書皆不見惟見此碑則失考耳地理志華陰下自注集靈宮武帝起非明文乎

為隨侯劍寶玉云云○劉敬曰四祠隨侯珠一也○

臣

浩
按劉敬注則古本隨侯下有珠字後來本並脫耳
注周康寶鼎似汾上所獲鼎也○
臣召南按劉敬解

珠劍璧三物並確惟此句可疑上文言汾陰寶鼎明

曰鼎大異于衆鼎文鏤無欵識故但云寶鼎不云周
康寶鼎也且四物祠于未央宮中並是宮中寶物若
寶鼎則已迎至甘泉祀天之處不得于宮中立祠又
後文張敞曰昔寶鼎出于汾睢有司驗睢上非舊藏
處則所謂寶鼎者正以不知其來處為神奇安得指
實以周康乎敞說未確

又祠太室山于即墨三戶山于下密○
臣名商按太室
山名同中岳嵩高三戶山名同三戶津山川固有同

名異地者但以地理志証之此二山名俱誤膠東國即墨有天室山祠非太室山也下密有三石山祠非三戶山也玩顏注云即墨下密皆膠東之縣則唐初本必猶未訛

行谿谷中阨陘且百里○

臣照

按阨陘宋本監本並作

阨陘今仍之然陘陘無通用之義寃是誤字

舞咸池以疾地祇注咸池堯樂也○

臣召南

按顏注誤

禮樂志明曰黃帝作咸池安得云堯樂乎

雍舊祠二百三所○

臣召南

按地理志右扶風雍有五

畤太昊黃帝以下祠三百三所彼作三百此作二百

未知孰誤

南山萊中之屬○

臣召南

按萊中應作秦中宋本監本

並誤也上文高祖時南山巫祠南山秦中秦中者二

世皇帝也注張晏曰成帝時匡衡奏罷之正指此文

若東萊郡黃縣之萊君祠幄縣之百支萊王祠並非

高祖所立

及孝宣參山注宋祁云云○

臣浩

按參山據宋祁注則

舊本作太山而祁改為參山者也今從之

三五之隆師古注及劉奉世宋祁說○

臣召南

按顏說

非也宋亦太巧且元帝無求儂事未若劉奉世謂三

世文帝五世武帝為確實

先鬻鶴髓○髓監本訛髓注同從宋本改正

前漢書卷二十五下考證

謹案卷二十五上第五頁前一行發源而注海者

刊本注訛主今改

第九頁後三行西周君自歸受罪刊本周訛州今

改

第十一頁後二行山南曰陽刊本山南訛南山据

毛本改

第十五頁前一行及秦并天下刊本下訛予据毛

本改

第三十六頁前二行水玄酒刊本酒訛湮今改

第四十一頁前六行望氣王朔言侯獨見填星刊

本侯訛後据史記改

卷二十五下第十三頁前七行徃者孝武皇帝刊

本皇訛黃今改



總校官庶吉士臣張能照

校對官檢討臣王福清

謄錄監生臣楊邦彥

欽定四庫全書會要

史部 前漢書卷二十六



詳校官主事銜臣徐以坤

欽定四庫全書

卷三千七百四十四

史部

前漢書卷二十六

漢蘭臺令史班固撰

唐正議大夫行秘書少監琅邪縣開國子顏師古注

天文志第六

凡天文在圖籍昭昭可知者經星常宿中外官凡百一十八名積數七百八十三星皆有州國官宮物類之象其伏見蚤晚邪正存亡虛實濶陿孟康曰伏見蚤晚謂五星也日月五星下

道為邪存謂列宿不虧也亡謂恒星不見虛實若天宇
星實則囚多虛則開出之屬也濶匯若三台星相去遠
近及五星所行合散犯守陵厯鬪食孟康曰合同舍也
精散為祆星也犯七寸以內光芒相及也陵相冒過也
食星月相陵不見者則所蝕也常昭曰自下往觸之曰
犯居其宿曰守經之為歷張晏曰
突掩為陵星相擊為鬪也彗所以
除舊布新也李氣似彗飛流謂飛星流星也孟康曰飛
絕迹而去也流光迹相連也日月無光曰薄京房易傳
曰日月赤黃為薄或曰不交而食曰薄暉適背穴抱珥
常昭曰氣往迫之為薄虧毀曰食也

重蜿孟康曰暉日旁氣也適日之將食先有黑之變也
背形如背字也穴多作鑄其形如玉鑄也抱氣向
日也耳形點黑也如淳曰暉讀曰運重或作虹蜿讀曰
齧蠅謂之重表云雄為重雌為蜿凡氣在日上為冠

為戴在旁直對為珥在旁如半環向日為迅雷風祆怪抱向外為背有氣刺日為鑄鑄抉傷也

雲變氣此皆陰陽之精其本在地而上發于天者也政失於此則變見於彼猶景之象形鄉之應聲師古曰鄉讀曰響是以明君覩之而寤飭身正事思其咎謝則禍除而福至自然之符也

中宮天極星其一明者泰一之常居也旁三星三公或曰子屬後句四星末大星正妃餘三星後宮之屬也環之匡衛十二星藩臣皆曰紫宮前列直斗口三星隨北

嵩銳若見若不見曰陰德或曰天一紫宮左三星曰天

槍右四星曰天棓

蘇林曰音棓打之棓師古曰棓音白講反

後十七星絕漢

抵營室曰閭道北斗七星所謂璇璣玉衡以齊七政杓

攜龍角

孟康曰杓斗柄也角東方宿也攜連也

龍衡殷南斗魁枕參首

晉灼曰衡

斗之中央用昏建者杓杓自華以西南

孟康曰傳曰斗第七星法太白

殷中也

主杓斗之尾也尾為陰又其用

夜半建者衡衡殷中州

昏昏陰位在西方故主西南

河濟之間寅衡夜半亦建寅也平旦建者魁魁海岱以

東北也

孟康曰傳曰斗魁第一星法為日主齊魁斗之首首陽也又其用在明陽與明德在東方故主

東北
方

斗為帝車運于中央臨制四海分陰陽建四時均

五行移節度定諸紀皆繫於斗斗魁戴筐六星曰文昌

宮晉灼曰似筐故曰戴筐

一曰上將二曰次將三曰貴相四曰司

命五曰司祿六曰司災在魁中貴人之牢

孟康曰傳曰天理四星在

牛魁中貴人牢名曰天理也

魁下六星兩兩而比者曰三能

蘇林曰能音台

三能色參君臣和不參為乖戾柄輔星

孟康曰在北斗第六星旁明

近輔臣親彊斥小疏弱

蘇林曰斥遠也

杓端有兩星一內為矛

招搖孟康曰近北斗者招搖招搖為天矛

晉

一外為盾

灼曰梗河三星天矛鋒招搖一星耳

天蓬

晉灼曰外遠北斗也
在招搖南一名天蓬

有句圜十五星屬杓曰賤人

之牢牢中星實則囚多虛則開出天一槍棓矛盾動搖

角大兵起

李奇曰
角芒角

東宮蒼龍房心心為明堂大星天王前後星子屬不欲

直直王失計房為天府曰天駟其陰右驂旁有兩星曰

衿衿北一星曰牽

晉灼曰牽
古轄字

東北曲十二星曰旗旗中

四星曰天市天市中星衆者實其中虛則耗房南衆星

曰騎官左角理右角將大角者天王帝坐廷其兩旁各

有三星鼎足句之曰攝提

晉灼曰如鼎足之句曲也

攝提者直斗杓

所指以建時節故曰攝提格亢為宗廟主疾其南北兩大星曰南門氐為天根主疫尾為九子曰君臣斥絕不和箕為教客后妃之府曰口舌火犯守角則有戰房心

王者惡之

南宮朱鳥權衡

孟康曰軒轅為權太微為衡也

衡太微三光之廷筐衛

十二星藩臣西將東相南四星執法中端門左右掖門掖門內六星諸侯其內五星五帝坐後聚十五星曰哀

烏郎位旁一大星將位也月五星順入軌道司其出所

守天子所誅也其逆入若不軌道以所犯名之中坐成

形晉灼曰中坐犯帝坐
也成形禍福之形見皆羣下不從謀也金火尤甚廷

藩西有隨星四名曰少微士大夫權軒轅黃龍體孟康

如騰龍前大星女主象旁小星御者後宮屬月五星守犯

者如衡占東井為水事火入之一星居其左右天子且

以火為敗東井西曲星曰戌北北河南南河兩河天闕

間為闕梁輿鬼鬼祠事中白者為質晉灼曰輿鬼五星
其中白者為質

火守南北河兵起穀不登故德成衡觀成潢

晉灼曰日月五星不

軌道也

衡太微廷也

觀占

傷成戌

晉灼曰賊傷之禍成

也潢五潢五帝車舍也

井

晉灼曰東井主水事火入一星居其旁天子且以火敗故曰禍也

占先成形於戌居

誅成質

晉灼曰熒惑入輿鬼

天質占曰大臣有誅

柳為鳥喙主木草七星頸為員宮主急事張

喙為厨主觴客翼為羽翮主遠客軫為車主風其旁有

一小星曰長沙星星不欲明明與四星等若五星入軫

中兵大起軫南衆星曰天庫庫有五車車星角若益衆

及不具亡處車馬

西宮咸池曰天五潢五潢五帝車舍火入旱金兵水水
中有三柱柱不具兵起奎曰封豨為溝瀆婁為聚眾胃
為天倉其南衆星曰膚積如淳曰芻稊
積為膚也昴曰旄頭胡星
也為白衣會畢曰罕車為邊兵主弋獵其大星旁小星
為附耳附耳搖動有讒亂臣在側昴畢間為天街其陰
陰國陽陽國孟康曰陰西南象坤維河山
已北國也陽河南山已南國也參為白虎三
星直者是為衡石孟康曰參三星者白虎下有三星
宿中東西直似稱衡也為斬艾事其外
曰罰孟康曰在參間上小下大故曰銳
晉灼曰三星小邪列無銳形也為斬艾事其外

四星左右肩股也小三星隅置曰觜觿為虎首主葆旅

事

如淳曰閩中俗謂桑榆蘖生為葆晉灼曰禾野生曰旅今之饑民采旅也宋均曰葆守也旅軍衆也言佐參伐斬艾也

其南有四星曰天廁天廁下一星曰天矢矢除凶也

黃則吉青白黑凶其西有句曲九星三處羅列一曰天

旗二曰天苑三曰九旂其東有大星曰狼狼角變色多

盜賊下有四星曰弧直狼比地有大星曰南極老人

晉灼

曰比地也近地也老人見治安不見兵起常以秋分時候之南郊

北宮玄武虛危危為蓋屋

宋均曰危上一星高旁兩星下似蓋屋也

虛為哭

泣之事

宋均曰蓋屋之下中無人但空虛似乎殯宮故主哭泣也

其南有衆星曰羽

林天軍

宋均曰虛危營室陰陽終始之處際會之間恒多姦邪故設羽林為軍衛

軍西為壘

或曰戌旁一大星北落北落若微亡軍星動角益稀及

五星犯北落入軍軍起火金水尤甚火入軍憂水水患

木土軍吉

孟康曰木星土星入北落軍則吉也

危東六星兩兩而比曰司

寇營室為清廟曰離宮閣道漢中四星曰天駟旁一星

曰王梁王梁策馬車騎滿野旁有八星絕漢曰天橫天

橫旁江星江星動以人涉水杵臼四星在危南匏瓜有

青黑星守之魚鹽貴南斗為廟其北建星建星者旗也

牽牛為犧牲其北河鼓河鼓大星上將左左星。

劉敞曰星蓋

將字右右將婺女其北織女織女天女孫也

歲星

晉灼曰太歲在四仲則歲行三宿太歲在四孟四季則歲行二宿二八十六三四十二而行二十八宿十二歲而周天

曰東方春木於人五常仁也五事貌也仁虧

貌失逆春令傷木氣罰見歲星歲星所在國不可伐可以伐人超舍而前為羸退舍為縮羸其國有兵不復縮其國有憂其將死國傾敗所去失地所之得地一曰當

居不居國亡所之國昌已居之又東西去之國凶不可舉事用兵安靜中度吉出入不當其次必有天祐見其

舍也歲星贏而東南

孟康曰五星東行天西轉歲星晨見東方行疾則不見不見則變為

星石氏見彗星甘氏不出三月迺生彗本類星末類彗

長二丈贏東北石氏見覺星甘氏不出三月迺生天棓

本類星末銳長四尺縮西南

孟康曰歲星當伏西方行遲早沒變為祿星也石

氏見橈雲如牛

常昭曰橈音參差之參

甘氏不出三月迺生天槍

左右銳長數丈縮西北石氏見槍雲如馬甘氏不出三

月迺生天機本類星末鋒長數丈石氏槍機棓彗異狀
其殃一也必有破國亂君伏死其辜餘殃不盡為旱凶
饑暴疾至日行一尺出二十餘日迺入甘氏其國凶不
可舉事用兵出而易所當之國是受其殃又曰祆星不
出三年其下有軍及失地若國君喪○宋祁曰三年當作五年

熒惑晉灼曰常以十月入太微受制而出行列宿司無道出入無常也曰南方夏火禮

也視也禮虧視失逆夏令傷火氣罰見熒惑逆行一舍
二舍為不祥居之三月國有殃五月受兵七月國半亡

地九月地大半亡因○宋祁曰亡與俱出入國絕祀熒

因疑作亡國

與俱出入國絕祀熒

惑為亂為賊為疾為喪為饑為兵所居之宿國受殃殃
還至者雖大當小居之久殃乃至者當小反大已去復
還居之若居之而角者若動者繞環之及乍前乍後乍
左乍右殃愈甚一曰熒惑出則有大兵入則兵散周還
止息迺為其死喪寇亂在其野者亡地以戰不勝東行
疾則兵聚於東方西行疾則兵聚於西方其南為大夫
喪北為女子喪熒惑天子理也故曰雖有明天子必視

熒惑所在

太白

晉灼曰常以正月甲寅與熒惑晨出東方二百四十日而入八三十五日而復出東方出以寅戌入以丑未也

曰西方秋金義也言也義虧

言失逆秋令傷金氣罰見太白日方南太白居其南日

方北太白居其北為羸侯王不寧用兵進吉退凶日方

南太白居其北日方北太白居其南為縮侯王有憂用

兵退吉進凶當出不出當入不入為失舍不有破軍必

有死王之墓有亡國一曰天下履兵壁有兵者所當之

國大凶當出不出未當入而入天下匱兵兵在外入未
當出而出當入而不入天下起兵有至破國未當出而
出未當入而入天下舉兵所當之國亡當期而出其國
昌出東為東方入為北方出西為西方入為南方所居
久其國利易其鄉凶

蘇林曰疾過也一說易鄉而出入也晉灼曰上言出而易言疾過是

也入七日復出將軍戰死入十日復出相死之人又復

出入君惡之已出三日而復微入三日迺復盛出是為

喪而伏

晉灼曰喪退也不進而伏伏不見也

其下國有軍其衆敗將北已

入三日又復微出三日迺復盛入其下國有憂帥師雖
衆敵食其糧用其兵虜其帥出西方失其行夷狄敗出
東方失其行中國敗一曰出蚤為月食晚為天祿及彗
星將發于亡道之國太白出而留桑榆間病其下國晉灼曰行遲而下也正出舉目平
正出桑榆上餘二千里也

上而疾未盡期日過參天

病其對國

晉灼曰三分天過其一此戌酉之間也

太白經天天下革民更

王

孟康曰謂出東入西出西入東也太白陰星出東當伏東出西當伏西過午為經天晉灼曰日陽也日出

則星亡晝見午上為經天

是為亂紀人民流亡晝見與日爭明彊國

弱小國彊女主昌太白兵象也出而高用兵深吉淺凶
坤淺吉深凶行疾用兵疾吉遲凶行遲用兵遲吉疾凶
角敢戰吉不敢戰凶擊角所指吉逆之凶進退左右用
兵進退左右吉靜凶圜以靜用兵靜吉躁凶出則兵出
入則兵入象太白吉反之凶赤角戰太白者猶軍也而
熒惑憂也故熒惑從太白軍憂離之軍舒出太白之陰
有分軍出其陽有偏將之戰當其行太白還之破軍殺
將辰星殺伐之氣戰鬪之象也與太白俱出東方皆赤

而角夷狄敗中國勝與太白俱出西方皆赤而角中國
敗夷狄勝五星分天之中積于東方中國大利積于西
方夷狄用兵者利辰星不出太白為客辰星出太白為
主人辰星與太白不相從雖有軍不戰辰星出東方太
白出西方若辰星出西方太白出東方為格野雖有兵
不戰辰星入太白中五日乃出及入而上出破軍殺將
客勝下出客亡地辰星來抵太白不去將死正其上出
破軍殺將客勝下出客亡地視其所指以名破軍辰星

繞環太白若鬪大戰客勝主人吏死辰星過太白間可
械劍小戰客勝蘇林曰械音函函容也其間可容一劍也居太白前旬三日

軍罷出太白左小戰歷太白右數萬人戰主人吏死出
太白右去三尺軍急約戰凡太白所出所直之辰其國
為得位得位者戰勝所直之辰順其色而角者勝其色

害者敗

晉灼曰鄭色黃而赤蒼小敗宋色黃而赤黑小敗楚色赤黑小敗燕色黑黃小敗皆大角勝也

太白白比狼赤比心黃比參右肩青比參左肩黑比奎

大星色勝位

晉灼曰有色勝得位也

行勝色

晉灼曰太自行得度勝有色也行得

盡勝之晉灼曰行應天度雖有色得位行盡勝之

行重而色位輕星經傳得字作德

辰星

晉灼曰常以二月春分見奎婁五月夏至見東井八月秋分見角亢十一月冬至見牽牛出以辰戌入以丑未二旬而入晨候

曰北方冬水知也聽也知虧

聽失逆冬令傷水氣罰見辰星出蚤為月食晚為彗星

及天祐一時不出其時不和四時不出天下大饑失其

時而出為當寒反溫當溫反寒當出不出是謂擊卒兵

大起與它星遇而鬪天下大亂

晉灼曰祐星彗星之屬也一曰五星

出於

房心間地動

填星

晉灼曰常以甲辰元始建斗之歲
填行一宿二十八歲而周天也

曰中央季夏土

信也思心也仁義禮智以信為主貌言視聽以心為正故四星皆失填星迺為之動填星所居國吉未當居而居之若已去而復還居之國得土不乃得女子當居不居既已居之又東西去之國失土不乃失女不有土事若女之憂居宿久國福厚易福薄當居不居為失填其下國可伐得者不可伐其羸為王不寧縮有軍不復一曰既已居之又東西去之其國凶不可舉事用兵失次

而上一舍三舍有王命不成不乃大水失次而下二舍
有后感其歲不復不乃天裂若地動

凡五星歲與填合則為內亂與辰合則為變謀而更事
與熒惑合則為饑為旱與太白合則為白衣之會為水

太白在南歲在北名曰牝牡

晉灼曰歲陽也太白陰也故曰牝牡年穀大

孰太白在北歲在南年或有或亡熒惑與太白合則為
喪不可舉事用兵與填合則為憂主孽卿與辰合則為
北軍用兵舉事大敗填與辰合則將有覆軍下師與太

白合則為疾為內兵辰與太白合則為變謀為兵憂凡
歲熒惑填太白四星與辰鬪皆為戰兵不在外皆為內
亂一曰火與水合為淬晉灼曰火入水故曰淬也與金合為鑠不可
舉事用兵土與金合國亡地與木合則國饑與水合為
雍沮晉灼曰沮音沮溼之沮水性雍而潛上故曰雍沮一曰雍填也不可舉事用兵木
與金合鬪國有內亂同舍為合相陵為鬪二星相近者
其殃大二星相遠者殃無傷也從七寸以內必之常昭曰必
有禍凡月食五星其國皆亡李奇曰謂其歲以饑熒惑分野之國

以亂填以殺太白彊國以戰辰以女亂月食大角王者
惡之凡五星所聚宿其國王天下從歲以義從熒惑以
禮從填以重常昭曰謂以威重得從太白以兵從辰以法以法者
以法致天下也三星若合是謂驚立絕行晉灼曰有兵絕也其國外內有兵與喪民人乏饑改立王公四星若
合是謂大湯晉灼曰湯猶盪滌也其國兵喪並起君子憂小人流
五星若合是謂易行有德受慶改立王者掩有四方子
孫蕃昌亡德受罰離其國家滅其宗廟晉灼曰宗祖廟也百姓

離去被滿四方五星皆大其事亦大皆小其事亦小也
凡五星色皆圜白為喪為旱赤中不平為兵青為憂為
水黑為疾為多死黃吉皆角赤犯我城黃地之爭白哭
泣之聲青有兵憂黑水五星同色天下匱兵百姓安寧
歌舞以行不見災疾五穀蕃昌

凡五星歲緩則不行急則過分逆則占熒惑緩則不出
急則不入違道則占填緩則不建急則過舍逆則占太
白緩則不出急則不入逆則占辰緩則不出急則不入

非時則占五星不失行則年穀豐昌

凡以宿星通下之變者維星散句星信則地動

孟康曰
散在尾

北常昭曰
信音申有星守三淵天下大水地動海魚出紀星散

者山崩不即有喪龜鼈星不居漢中川有易者辰星入

五車大水熒惑入積水水兵起入積薪旱兵起守之亦

然極後有四星名曰句星斗杓後有三星名曰維星散

者不相從也

孟康曰
謂不復
行列而聚也

三淵蓋五車之三柱也

晉
灼

曰柱音注
解之注天紀屬貫索積薪在北戌西北積水在北戌

東北

角亢氐沈州房心豫州尾箕幽州斗江湖牽牛婺女揚

州虛危青州營室東壁并州奎婁胃徐州昴畢冀州觜

觴參益州東井輿鬼雍州柳七星張三河翼軫荊州甲

乙海外日月不占

晉灼曰海外遠甲乙日時不以占之

丙丁江淮海岱戊

己中州河濟庚辛華山以西壬癸常山以北一曰甲齊

乙東夷丙楚丁南夷戊魏己韓庚秦辛酉夷壬燕趙癸

北夷子周丑翟寅趙卯鄭辰邯鄲己衛午秦未中山申

齊酉魯戌吳越亥燕代秦之疆候太白占狼弧吳楚之
疆候熒惑占鳥衡燕齊之疆候辰星占虛危宋鄭之疆
候歲星占房心晉之疆亦候辰星占參罰及秦并吞三
晉燕代自河山以南者中國中國於四海內則在東南
為陽陽則日歲星熒惑填星占於街南畢主之其西北
則胡貉月氐旃裘引弓之民為陰陰則月太白辰星占
於街北昴主之故中國山川東北流其維首在隴蜀尾
沒於勃海碣石是以秦晉好用兵孟康曰秦晉西南維
之北為陰與胡貉引

弓之民同復占太白太白主中國而胡貉數侵掠獨占故好用兵

辰星辰星出入趨疾常主夷狄其大經也

凡五星早出為羸羸為客晚出為縮縮為主人五星羸縮必有天應見杓

太歲在寅曰攝提格歲星正月晨出東方石氏曰名監德在斗牽牛失次杓早水晚旱甘氏在建星婺女太初歷在營室東壁

在卯曰單閼二月出石氏曰名降入在婺女虛危甘氏

在虛危失次杓有水災太初在奎婁

在辰曰執徐三月出石氏曰名青章在營室東壁失次杓旱旱晚水甘氏同太初在胃昴

在巳曰大荒落四月出石氏曰名路踵在奎婁甘氏同

太初在參罰

在午曰敦牂五月出石氏曰名啟明在胃昴畢失次杓早旱晚水甘氏同太初在東井輿鬼

在未曰協洽六月出石氏曰名長烈在此角觴參甘氏在

參罰太初在注張七星

在申曰涒灘七月出石氏曰名天晉在東井輿鬼甘氏
在弧太初在翼軫

在酉曰作訥

爾雅作噩

八月出石氏曰名長壬在柳七星

張失次杓有女喪民疾甘氏在注張失次杓有火太初

在角亢

在戌曰掩茂九月出石氏曰名天睢在翼軫失次杓水
甘氏在七星翼太初在氐房心

在亥曰大淵獻十月出石氏曰名天皇在角亢始甘氏
在軫角亢太初在尾箕

在子曰困敦十一月出石氏曰名天宗在氐房始甘氏
同太初在建星牽牛

在丑曰赤奮若十二月出石氏曰名天昊在尾箕甘氏
在心尾太初在婺女虛危甘氏太初厯所以不同者以
星贏縮在前各錄後所見也其四星亦略如此

古厯五星之推亡逆行者至甘氏石氏經以熒惑太白

為有逆行夫厯者正行也古人有言曰天下太平五星循度亡有逆行日不食朔月不食望夏氏日月傳曰日月食盡主位也不盡臣位也星傳曰日者德也月者刑也故曰日食修德月食修刑然而厯紀推月食與二星之逆亡異熒惑主內亂太白主兵月主刑自周室衰亂臣賊子師旅數起刑罰失中雖其亡亂臣賊子師旅之變內臣猶不治四夷猶不服兵革猶不寢刑罰猶不錯故二星與月為之失度三變常見及有亂臣賊子伏尸

流血之兵大變乃出甘石氏見其常然因以為紀皆非
正行也詩云彼月而食則惟其常此日而食于何不減
詩傳曰月食非常也比之日食猶常也日食則不減矣
謂之小變可也謂之正行非也故熒惑必行十六舍去
日遠而顓恣太白出西方進在日前氣盛乃逆行及月
必食於望亦誅盛也

國皇星大而赤狀類南極所出其下起兵兵疆其衝不

利孟康曰歲星之精散所為也五星之精散為六十四變志記不盡也

昭明星大而白無角乍上乍下所出國起兵多變

孟康曰形

如三足几几上有九
彗上向熒惑之精也

五殘星出正東東方之星其狀類辰去地可六大大而

黃孟康曰星表有青氣
如暈有毛填星之精

六賊星出正南南方之星去地可六大大而赤數動有

光孟康曰形如彗芒
九角太白之精

司詭星出正西西方之星去地可六丈大而白類太白

孟康曰星大而有尾
兩角熒惑之精也

咸漢星出正北北方之星去地可六丈大而赤數動察
之中青孟康曰一名獄漢星青中赤表下有三彗從橫亦填星之精也此四星所出非
其方其下有兵衝不利

四填星出四隅去地可四丈地維減光亦出四隅去地
可二丈若月始出所見下有亂者亡有德者昌

燭星狀如太白其出也不行見則滅所燭城邑亂孟康曰星

上有三彗上出亦填星之精也

如星非星如雲非雲名曰歸邪李奇曰邪音蛇孟康曰星有兩赤彗上向上有

蓋狀氣歸邪出必有歸國者
下連星

星者金之散氣其本曰人

孟康曰星石也金石相生人與星氣相應也

星衆

國吉少則凶漢者亦金散氣其本曰水星多多水少則

旱孟康曰漢河漢也水生於金多少謂漢中星也

其大經也

天鼓有音如雷非雷音在地而下及地其所住者兵發

其下

天狗狀如大流星

孟康曰星有尾旁有彗下有如狗形者亦太白之精

有聲其下

止地類狗所墜及望之如火光炎炎中天其下圜如數

頃田處上銳見則有黃色千里破軍殺將

格澤者如炎火之狀黃白起地而上下大上銳其見也

不種而獲不有土功必有大客

蚩尤之旗類彗而後曲象旗

孟康曰熒惑之精也晉灼曰呂氏春秋云其色黃上

白見則王者征伐四方

旬始出於北斗旁狀如雄雞其怒青黑色象伏鼈

李奇曰怒

當言帑晉灼曰帑唯也或曰怒則色青宋均曰怒謂芒角刺出

枉矢狀類大流星蛇行而倉黑望如有毛自然

長庚廣如一匹布著天此星見起兵

星碌至地則石也

如淳曰碌亦墮也

天惺而見景星

孟康曰惺精明也有赤方氣與青方氣相連赤方中有兩黃星青方中有一黃

星凡三星合為景星也

景星者德星也其狀無常常出於有道之

國

日有中道月有九行中道者黃道一曰光道光道北至東井去北極近南至牽牛去北極遠東至角西至婁去極中夏至至於東井北近極故晷短立八尺之表而晷

景長尺五寸八分冬至至於牽牛遠極故晷長立八尺
之表而晷景長丈三尺一寸四分春秋分日至婁角去
極中而晷中立八尺之表而晷景長七尺三寸六分此
日去極遠近之差晷景長短之制也去極遠近難知要
以晷景晷景者所以知日之南北也日陽也陽用事則
日進而北晝進而長陽勝故為溫暑陰用事則日退而
南晝退而短陰勝故為涼寒也故日進為暑退為寒若
日之南北失節晷過而長為常寒退而短為常燠此寒

燠之表也故曰為寒暑一曰晷長為潦短為旱奢為扶

鄭氏曰扶當為蟠齊魯之間聲如酺扶聲近蟠止不行也蘇林曰景形奢大也晉灼曰扶附也小人佞媚附

近君子扶者邪臣進而正臣疏君子不足姦人有餘月之側也

有九行者黑道二出黃道北赤道二出黃道南白道二

出黃道西青道二出黃道東立春春分月東從青道立

秋秋分西從白道立冬冬至北從黑道立夏夏至南從

赤道然用之一決房中道

○宋祁曰朱子文云房字當作於字蓋言月之行其道雖

多然皆決於日之中道也故其後云至月行則以晦朔決之又曰日之所行為中道月五星皆隨之也如此則

一決於中青赤出陽道白黑出陰道若月失節度而妄
道為允

行出陽道則旱風出陰道則陰雨凡君行急則日行疾
君行緩則日行遲日行不可指而知也故以二至二分
之星為候日東行星西轉冬至昏奎八度中夏至氐十
三度中春分柳一度中秋分牽牛三度七分中此其正
行也日行疾則星西轉疾事勃然也故過中則疾君行
急之感也不及中則遲君行緩之象也至月行則以晦
朔決之日冬則南夏則北冬至於牽牛夏至於東井日

之所行為中道月五星皆隨之也箕星為風東北之星也東北地事天位也孟康曰東北陽日月五星起於牽牛故為天位坤在西南紐於陽為地事也故易曰東北喪朋友巽在東南為風風陽中之陰大臣之象也其星軫也月去中道移而東北入箕若東南入軫則多風西方為雨雨少陰之位也月失中道移而西入畢則多雨故詩云月離於畢俾滂沱矣言多雨也星傳曰月入畢則將相有以家犯罪者言陰盛也書曰星有好風星有好雨月之從星則以風雨言失

中道而東西也故星傳曰月南入牽牛南戒民間疾疫
月北入太微出坐北若犯坐則下人謀上一曰月為風
雨日為寒溫冬至日南極晷長南不極則溫為害夏至
日北極晷短北不極則寒為害故書曰日月之行則有
冬有夏也政治變於下日月運於上亥月出房北為雨
為陰為亂為兵出房南為旱為天喪水旱至衝而應及
五星之變必然之效也

兩軍相當日暈等力均厚長大有勝薄短小亡勝重抱

大破亡抱為和背為不和為分離相去直為自立立兵
破軍若曰殺將抱且戴有喜圖在中中勝在外外勝青
外赤中以和相去赤外青中以惡相去氣暈先至而後
去居軍勝先至先去前有利後有病後至後去前病後
利後至先去前後皆病居軍不勝見而去其後發疾雖
勝亡功見半日以上功大白重屈短上下銳李奇曰屈
或為尾韋昭曰短而直者有者下大流血日暈制勝近期三十日
遠期六十日其食食所不利復生生所利不然食盡為

主位以其直及日所躔加日時用名其國

凡望雲氣仰而望之三四百里平望在桑榆上千餘里
二千里登高而望之下屬地者居三千里雲氣有戰居
上者勝自華以南氣下黑上赤嵩高三河之郊氣正赤
常山以北氣下黑上青勃碣海岱之間氣皆黑江淮之
間氣皆白徒氣白土功氣黃車氣乍高乍下往往而聚
騎氣卑而布卒氣搏如淳曰搏專也音徒端反前卑而後高者疾前
方而後高者銳後銳而卑者郤其氣平者其行徐前高

後卑者不止而反氣相遇者卑勝高銳勝方氣來卑而循車道者不過三四日去之五六里見氣來高七八尺者不過五六日去之十餘二十里見氣來高丈餘二丈者不過三四十日去之五六十里見捎雲精白者其將悍其士怯其大根而前絕遠者戰精白其芒低者戰勝其前赤而印者戰不勝陳雲如立垣杼雲類杼袖雲搏而耑銳杓雲如繩者居前竟天其半半天蜿雲者類鬪旗故銳鉤雲向曲諸此雲見以五色占而澤搏密其見

動人迺有占兵必起占鬪其直王朔所候決於日旁日
旁雲氣人主象皆如其形以占故北夷之氣如羣畜穹
閣南夷之氣類舟船幡旗大水處敗軍場破國之虛下
有積泉金寶上皆有氣不可不察海旁蜃氣象樓臺廣
墾氣成宮闕然雲氣各象其山川人民所聚積故候息
耗者入國邑視封畝田疇之整治如淳曰蔡邕云麻田曰疇城郭室
屋門戶之潤澤次至車服畜產精華實息者吉虛耗者
凶若煙非煙若雲非雲郁郁紛紛蕭索輪囷是謂慶雲

慶雲見喜氣也若霧非霧衣冠不濡見則其城被甲而趨夫雷電輒重辟歷夜明者陽氣之動者也春夏則發秋冬則藏故候書者亡不司天開縣物孟康曰謂天裂開示象地動坼絕山崩及陁川塞谿蘇林曰塙音伏伏通也水澹地長澤竭見象城郭門閭潤息枯槁宮廟廊第人民所次言俗車服觀民飲食五穀草木觀其所屬倉府廩庫四通之路六畜禽獸所產去就魚鼈鳥鼠觀其所處鬼哭若譁與人逢遇訛言誠然

凡候歲美惡謹候歲始歲始或冬至日產氣始萌臘明日人衆卒歲壹會飲食發陽氣故曰初歲正月旦王者歲首立春四時之始也四始者候之日而漢魏鮮集臘明正月旦決八風孟康曰魏鮮人姓名作占候者風從南大旱西南小旱西方有兵西北戎叔為孟康曰戎叔胡豆也為成也小雨趣兵北方為中歲東北為上歲東方大水東南民有疾疫歲惡故八風各與其衝對課多者為勝多勝少久勝亟疾勝徐旦至食為麥食至日跌為稷跌至晡為黍晡至下晡

為叔下晡至日入為麻欲終日有雲有風有日當其時深而多實亡雲有風日當其時淺而少實有雲風亡日當其時深而少實有日亡雲不風當其時者稼有敗如食頃小敗孰五年未頃大敗風復起有雲其稼復起各以其時用雲色占種所宜雨雪寒歲惡是日光明聽都邑人民之聲聲宮則歲美吉商有兵徵旱羽水角歲惡或從正月旦比數雨率日食一升至七升而極孟康曰正月一日雨而民有一升之食二日雨民有過之不占數至十升之食如此至七日已來驗也

二月直其月占水旱

孟康曰一日雨正月水也

為其環域千里內占

即為天下候竟正月

孟康曰月三十日周天歷二十八宿然後可占天下

月所離

列宿日風雲占其國然必察太歲所在金穰水毀木饑

火旱此其大經也正月上甲風從東方來宜蠶從西方

來若旦有黃雲惡冬至短極縣土炭

孟康曰先冬至三日縣土炭於衡兩

端輕重適均冬至而陽氣至則炭重夏至陰氣至則土重晉灼曰蔡邕律歷記候鐘律權土炭冬至陽氣應黃

鐘通土炭輕而衡仰夏至陰氣應蕤賓通土炭重而衡低進退先後五日之中炭動麋鹿解角

蘭根出泉水踊略以知日至要決晷景

夫天運三十歲一小變百年中變五百年大變三大變
一紀三紀而大備此其大數也春秋二百四十二年間
日食三十六彗星三見夜常星不見夜中星隕如雨者
各一當是時禍亂輒應周室微弱上下交怨殺君三十
六亡國五十二諸侯奔走不得保其社稷者不可勝數
自是之後衆暴寡大并小秦楚吳粵夷狄也為彊伯田
氏篡齊三家分晉並為戰國爭於攻取兵革遞起城邑
數屠因以饑饉疾疫愁苦臣主共憂患其察機祥候星

氣尤急

如淳曰呂氏春秋荆人鬼越人機今之巫祝禱祠淫祀之比也

近世十二諸侯

七國相王言從橫者繼踵而占天文者因時務論書傳

故其占驗鱗雜米鹽亡可錄者周卒為秦所滅始皇之

時十五年間彗星四見久者八十日長或竟天後秦遂

以兵內兼六國外攘四夷死人如亂麻又熒惑守心及

天市芒角色赤如雞血始皇既死適庶相殺二世即位

殘骨肉戮將相太白再經天因以張楚並興兵相蹈籍

蘇林曰秦遂以亡項羽救鉅鹿枉矢西流枉矢所觸天
踏音臺

下之所伐射滅亡象也物莫直於矢今蛇行不能直而枉者執矢者亦不正以象項羽執政亂也羽遂合從阮秦人屠咸陽凡枉矢之流以亂伐亂也

漢元年十月五星聚于東井以厯推之從歲星也

李奇曰歲

星得其正度其四星隨比常正行故曰從也孟康曰歲星先至先至為主也○劉敞曰按歲星去日率不能一兩次耳今十月而從歲星於東井非理然則五星以秦之十月聚東井耳秦之十月令七月日當在鶉尾故太白辰星得從歲星也

此高皇帝受命之符也故客謂張耳曰

東井秦地漢王入秦五星從歲星聚當以義取天下秦

王子嬰降於枳道漢王以屬吏寶器婦女亡所取閑宮
封門還軍次於霸上以俟諸侯與秦民約法三章民亡
不歸心者可謂能行義矣天之所予也五年遂定天下
即帝位此明歲星之崇義東井為秦之地明效也

三年秋太白出西方有光幾中

晉灼曰幾中近踰身也

乍北乍南

過期迺入辰星出四孟

常昭曰法當出四仲出四孟為易主之象也

是時項

羽為楚王而漢已定三秦與相距滎陽太白出西方有
光幾中是秦地戰將勝而漢國將興也辰星出四孟易

主之表也後二年漢滅楚

七年月暈圍參畢七重占曰畢昴間天街也街北胡也
街南中國也昴為匈奴參為趙畢為邊兵是歲高皇帝
自將兵擊匈奴至平城為冒頓單于所圍七日迺解

十二年春熒惑守心

李奇曰心為天王也

四月宮車晏駕

應劭曰天子當

晨起早作而方崩殞故稱晏駕云韋昭曰凡初崩為晏駕者臣子之心猶謂宮車當駕而出耳

孝惠二年天開東北廣十餘丈長二十餘丈地動陰有
餘天裂陽不足皆下盛彊將害上之變也其後有呂氏

之亂

孝文後二年正月壬寅天櫬夕出西南

孟康曰歲星之精

占曰

為兵喪亂其六年十一月匈奴入上郡雲中漢起三軍

以衛京師其四月乙巳水木火三合於東井占曰外內

有兵與喪改立王公東井秦也八月天狗下梁墜是歲

誅反者周殷長安市其七年六月文帝崩其十一月戊

戌土水合於危占曰為雍沮所當之國不可舉事用兵

必受其殃一曰將覆軍危齊也其七月火東行行畢陽

環畢東北出而西逆行至昴即南迺東行占曰為喪死
寇亂畢昴趙也

孝景元年正月癸酉金水合於婺女占曰為變謀為兵
憂婺女粵也又為齊其七月乙丑金木水三合於張占
曰外內有兵與喪改立王公張周地今之河南也又為
楚其二年七月丙子火與水晨出東方因守斗占曰其
國絕祀至其十二月水火合於斗占曰為淬不可舉事
用兵必受其殃一曰為北軍用兵舉事大敗斗吳也又

為粵是歲彗星出西南其三月立六皇子為王王淮陽
汝南河間臨江長沙廣川其三年吳楚膠西膠東淄川
濟南趙七國反吳楚兵先至攻梁膠西膠東淄川三國
攻圍齊漢遣大將軍周亞夫等戍止河南以俟吳楚之
敝遂敗之吳王亡走粵粵攻而殺之平陽侯敗三國之
師于齊咸伏其辜齊王自殺漢兵以水攻趙城城壞王
自殺六月立皇子二人楚元王子一人為王王膠西中
山楚從濟北為淄川王淮陽為魯王汝南為江都王七

月兵罷天狗下占為破軍殺將狗又守禦類也天狗所降以戒守禦吳楚攻梁梁堅城守遂伏尸流血其下三年填星在婁幾入還居奎奎魯也占曰其國得地為得填是歲魯為國

四年七月癸未火入東井行陰又以九月己未入輿鬼戊寅出占曰為誅罰又為火灾後二年有栗氏事其後未央東闕災

中元年填星當在觜觿參去居東井占曰亡地不迺有

女憂其三年正月丁亥金木合於觜觿為白衣之會三
月丁酉彗星夜見西北色白長丈在觜觿旦去益小十
五日不見占曰必有破國亂君伏死其幸觜觿禦也其
五月甲午金木俱在東井戊戌金去木留守之二十日
占曰傷成於戊木為諸侯誅將行於諸侯也其六月壬
戌蓬星見西南在房南去房可二丈大如二斗器色白
癸亥在心東北可長丈所甲子在尾北可六丈丁卯在
箕北近漢稍小旦去時大如桃壬申去凡十日占曰蓬

星出必有亂臣房心間天子宮也是時梁王欲為漢嗣使人殺漢爭臣袁盎漢按誅梁大臣斧戌用梁王恐懼布車入闕伏斧戌謝罪然後得免

中三年十一月庚午夕金火合於虛相去一寸占曰為鑠為喪虛齊也

四年四月丙申金木合於東井占曰為白衣之會井秦也其五年四月乙巳水火合於參占曰國不吉參梁也其六年四月梁孝王死五月城陽王濟陰王死六月成

陽公主死出入三月天子四衣白臨邸第

後元年五月壬午火金合於輿鬼之東北不至柳出輿
鬼北可五寸占曰為鑠有喪輿鬼秦也丙戌地大動鈴
鈴然民大疫死棺貴至秋止

孝武建元三年三月有星孛于注張歷太微干紫宮至
于天漢春秋星孛于北斗齊魯晉之君皆將死亂今星
孛歷五宿其後濟東膠西江都王皆坐法削黜自殺淮

陽衡山謀反而誅

三年四月有星孛于天紀至織女占曰織女有女變天
紀為地震至四年十月而地動其後陳皇后廢

六年熒惑守輿鬼占曰為火變有喪是歲高園有火災

竇太后崩

元光元年六月客星見于房占曰為兵起其二年十一
月單于將十萬騎入武州漢遣兵三十餘萬以待之

元光中天星盡墮上以問候星者對曰星墮者民勞也

後伐四夷百姓勞于兵革

元鼎五年太白入于天苑占曰將以馬起兵也一曰馬
將以軍而死耗其後以天馬故誅大宛馬大死於軍
元鼎中熒惑守南斗占曰熒惑所守為亂賊喪兵守之
久其國絕祀南斗越分也其後越相呂嘉殺其王及太
后漢兵誅之滅其國

元封中星孛于河戌占曰南戌為越門北戌為胡門其
後漢兵擊拔朝鮮以為樂浪玄菟郡朝鮮在海中越之
象也居北方胡之域也

太初中星孛于招搖星傳曰客星守招搖蠻夷有亂民
死君其後漢兵擊大宛斬其王招搖遠夷之分也

孝昭始元中漢宦者梁成恢及燕王侯星者吳莫如見
蓬星出西方天市東門行過河鼓入營室中恢曰蓬星
出六十日不出三年下有亂臣戮死於市後太白出西
方下行一舍復上行二舍而下去太白主兵上復下將
有戮死者後太白出東方入咸池東下入東井人臣不
忠有謀上者後太白入太微西藩第一星北出東藩第

一星北東下去太微者天庭也太自行其中宮門當閉
大將被甲兵邪臣伏誅熒惑在婁逆行至奎法曰當有
兵後太白入昴莫如曰蓬星出西方當有大臣戮死者
太白星入東井太微庭出東門漢有死將後熒惑出東
方守太白兵當起主人不勝後流星下燕萬載宮極東
去李奇曰極屋梁也三輔間名為極或曰極棟也三輔
間名棟為極尋棟東去也廷篤謂之堂前闌楯也

法曰國恐有誅其後左將軍桀驃騎將軍安與長公主
燕刺王謀作亂咸伏其辜兵誅烏桓

元鳳四年九月客星在紫宮中斗樞極間占曰為兵其
五年六月發三輔郡國少年詣北軍五年四月燭星見
奎婁間占曰有土功胡人死邊城和其六年正月築遼
東玄菟城二月度遼將軍范明友擊烏桓還

元平元年正月庚子日出時有黑雲狀如炎風亂鬢音辨
轉出西北東南行轉而西有頃亡占曰有雲如衆風是
謂風師法有大兵其後兵起烏孫五將征匈奴

二月甲申晨有大星如月有衆星隨而西行乙酉牂雲

如狗赤色長尾三枚夾漢西行大星如月大臣之象衆
星隨之衆皆隨從也天文以東行為順西行為逆此大
臣欲行權以安社稷占曰太白散為天狗為卒起卒起
見禍無時臣運柄牂雲為亂君到其四月昌邑王賀行
淫辟立二十七日大將軍霍光自皇太后廢賀

三月丙戌流星出翼軫東北干太微入紫宮始出小旦
入大有光入有頃聲如雷三鳴止占曰流星入紫宮天
下大凶其四月癸未宮車晏駕

孝宣本始元年四月壬戌甲夜辰星與參出西方其二年七月辛亥夕辰星與翼出皆為蚕占曰大臣誅其後熒惑守房之鉤鉾鉤鉾天子之御也

晉灼曰上言房為天駟其陰右驂旁

有二星曰鈴故曰天子御也占曰不太僕則奉車不黜即死也房心

天子宫也房為將相心為子屬也其地宋今楚彭城也

四年七月甲辰辰星在翼月犯之

○宋祁曰翼下當添軫字

占曰兵

起上卿死將相也是日熒惑入輿鬼天質占曰大臣有

誅者名曰天賊在大人之側

地節元年正月戊午乙夜月食熒惑

孟康曰凡星入月見月中為星食月

月奄星星滅為月食星

熒惑在角亢占曰憂在宮中非賊而盜也

有內亂讒臣在旁其辛酉熒惑入氐中氐天子之宮熒

惑入之有賊臣其六月戊戌甲夜客星又居左右角間

東南指長可二尺色白占曰有姦人在宮廷間其丙寅

又有客星見貫索東北南行至七月癸酉夜入天市芒

炎東南指其色白占曰有戮卿一曰有戮王期皆一年

遠二年是時楚王延壽謀逆自殺四年故大將軍霍光

夫人顯將軍霍禹范明友奉車霍山及諸昆弟賓婚為侍中諸曹九卿郡守皆謀反咸伏其辜

黃龍元年三月客星居王梁東北可九尺長丈餘西指出閣道間至紫宮其十二月宮車晏駕

元帝初元元年四月客星大如瓜色青白在南斗第二星東可四尺占曰為水饑其五月渤海水大溢六月關東大饑民多餓死琅邪郡人相食

二年五月客星見昴分居卷舌東可五尺青白色炎長

三寸占曰天下有妄言者其十二月鉅鹿都尉謝君男
詐為神人論死父免官孟康曰姓謝名君男者兒
也不記其名直言男耳

五年四月彗星出西北赤黃色長八尺所後數日長丈
餘東北指在參分後二歲餘西羌反

孝成建始元年九月戊子有流星出文昌色白光燭地
長可四丈大一圍動搖如龍蛇行有頃長可五六丈大
四圍所訛折委曲貫紫宮西在斗西北子亥間後訛如
環北方不合留一刻所占曰文昌為上將貴相是時帝

舅王鳳為大將軍其後宣帝舅子王商為丞相皆貴重任政鳳妬商譖而罷之商自殺親屬皆廢黜

四年七月熒惑踰歲星居其東北半寸所如連李時歲星在闕星西四尺所熒惑初從畢口大星東東北往數日至往疾去遲占曰熒惑與歲星鬪有病君饑歲至河平元年三月旱傷麥民食榆皮二年十二月壬申太皇太后避時昆明東觀如淳曰食貨志武帝修昆明池列觀環之或曰即病謝君男故避其時○劉奉世曰謝君男死在初元二年太后避時乃河平二年云病何也或說未曉

四年十一月乙卯月食填星星不見時在輿鬼西北八
九尺所占曰月食填星流民千里河平元年三月流民
入函谷關

河平二年十月下旬填星在東井軒轅南耑大星尺餘
歲星在其西北尺所熒惑在其西北二尺所皆從西方
來填星貫輿鬼先到歲星次熒惑亦貫輿鬼十一月上
旬歲星熒惑西去填星皆西北逆行占曰三星若合是
謂驚位是謂絕行外內有兵與喪改立王公其十一月

丁巳夜郎王歆大逆不道牂柯太守立捕殺歆三年九月甲戌東郡莊平男子侯母辟兄弟五人羣黨為盜劉

敬曰莊乃莊攻燔官寺縛縣長吏盜取印綬自稱將軍三月

辛卯左將軍千秋卒右將軍史丹為左將軍四年四月

戊申梁王賀薨

陽朔元年七月壬子月犯心星占曰其國有憂若有大喪房心為宋今楚地十一月辛未楚王友薨

四年閏月庚午飛星大如缶出西南入斗下占曰漢使

匈奴明年鴻嘉元年正月匈奴單于雕陶莫臯死五月

甲午遣中郎將楊興使弔

永始二年二月癸未夜東方有赤色大三四圍長二三

丈索索如樹南方有大四五圍。

劉奉世曰有字下當有氣或色字脫也

行十餘丈皆不至地滅占曰東方客之變氣狀如樹木
以此知四方欲動者明年十二月己卯尉氏男子樊並

等謀反賊殺陳留太守嚴普及吏民出囚徒取庫兵劫
略令丞自稱將軍皆誅死庚子山陽鐵官亡徒蘇令等

殺傷吏民篡出囚徒取庫兵聚黨數百人為大賊踰年經歷郡國四十餘一日有兩氣同時起並見而並令等同月俱發也

元延元年四月丁酉日餉時天暝晏殷殷如雷聲有流星頭大如缶長十餘丈皎然赤白色從日下東南去四面或大如盂或如雞子燿燿如雨下至昏止郡國皆言星隕春秋星隕如雨為王者失執諸侯起伯之異也其後王莽遂顯國柄王氏之興萌於成帝時是以有星隕

之變後莽遂篡國

綏和元年正月辛未有流星從東南入北斗長數十丈
二刻所息占曰大臣有繫者其年十一月庚子定陵侯
淳于長坐執左道下獄死

二年春熒惑守心二月乙丑丞相翟方進欲塞災異自
殺三月丙戌宮車晏駕

哀帝建平元年正月丁未日出時有著天白氣廣如一
匹布長十餘丈西南行譙如雷西南行一刻而止名曰

天狗傳曰言之不從則有大禍詩妖到其四年正月二月三月民相驚動謹譁奔走傳行詔壽祠西王母又曰從目人當來十二月白氣出西南從地上至天出參下貫天廁廣如一尺布長十餘丈十餘日去占曰天子有陰病其三年十一月壬子太皇太后詔曰皇帝寬仁孝順奉承聖緒靡有鮮急而久病未瘳夙夜惟思殆繼體之君不宜改作春秋大復古其復甘泉泰時汾陰后土如故

二年二月彗星出牽牛七十餘日傳曰彗所以除舊布
新也牽牛日月五星所從起厯數之元三正之始彗而
出之改更之象也其出久者為其事大也其六月甲子
夏賀良等建言當改元易號增漏刻詔書改建平二年
為太初元年號曰陳聖劉太平皇帝刻漏以百二十為
度八月丁巳悉復蠲除之賀良及黨與皆伏誅流放其
後卒有王莽篡國之禍

元壽元年十一月歲星入太微逆行于右執法占曰大

臣有憂執法者誅若有罪二年十月戊寅高安侯董賢免大司馬位歸第自殺

前漢書卷二十六

前漢書卷二十六 考證

天文志經星常宿中外官云云○

臣召南按後志曰孝

明帝使班固叙漢書而馬續述天文志此志馬續所

撰也故晉志引此文直曰馬續云

暉適背穴注孟康曰暉日旁氣也○暉監本訛背從宋

本改

中宮天極星○監本接連前文自然之符也非是今另

提行

環之匡衛十二星藩臣皆曰紫宮○臣名南按此與史記天官書同但紫宮匡衛實十五星西藩七東藩八與太微垣十二星不同晉志可証此與史記並曰十二星何也

後十七星絕漢抵營室曰閣道○臣名南按此志於經星俱直用天官書閣道星數天官書云六星是也何以言十七星乎晉志亦作六星疑十七二字係傳寫

之說

後聚十五星曰哀烏郎位○晉志作依烏郎府

廷藩西有隨星四曰少微○臣名南按天官書作隋星

注隋音他果反此志宋本監本並作隨星蓋誤

東井西曲星曰戌○

臣名南

按戌字係戌字之訛戌即

古鉞字天官書曰其西曲星曰鉞又曰鉞北北河南

南河又曰傷成鉞其文甚明晉志鉞一星附升之前
主伺淫奢而斬之即解字義此志宋本別本並作戌
字非也存說于此

旁一星曰王梁○天官書作王良晉志亦作王良此作

梁誤

曰天橫○橫天官書作潢

歲星○凌驛隆曰自此以下與史記有異同

太白注晉灼曰出以寅戌入以丑未也○按寅戌當作

辰戌

戊己中州河濟○戊訛戌今改正

如星非星○臣永祚按監本連接上文非也今另提行

又星者金之散氣旬始出于北方天暝而現景星日有中道皆自為一段監本並連接寫今俱提行

凡候歲美惡○臣永祚按凡望雲氣凡候歲美惡皆自

為一段不相連接監本誤也今於每段俱另提行

十二月白氣出西南○監本于十二月上衍建平元年

四字從宋本刪去

前漢書卷二十六考證

謹案第二十二頁後六行西從白道刊本白訛目

據監本改

第三十三頁後八行城陽王刊本城訛成據監本
改

第三十九頁後四行熒惑初從畢口大星東東北
徃刊本徃訛住據監本改

金匱要略全書



總校官庶吉士臣張能照
校對官中書臣孫希旦
謄錄監生臣何瑞

財團法人佛陀教育基金會 釋淨空 敬贈

